

Santa R'ghjina

Sì di petra zuccata da l'omi è da li venti
I to culori sò quelli ch'è tù t'inventi
Lascendu fà l'ingegnu di e quattru stagione
Ch'intreccia ombra è lume in una strana unione

Sì di sicreti persi cù l'anime smarite
Di quelli ch'in le fole s'amentanu e vite
Quelli ch'anu spartutu tempi fà e to stonde
Banditi o pastori l'hai sappiuti asconde

Quantu hai vistu ghjente mancu tù ùn la sai
Ma adopri pacenza è senza stancà mai
Porti u peregrinu à scobre u Niolu
Cullendu à passi dolci à fiancu à fiume Golu

Sì di caldu chì brusgia à sin'à a ferita
Quandu à e sciappittane a statina t'invita
Di i to ghjargalelli quandu viranu sbuccia
Si movenu e spisce da u ponte à Cuccia

Sì di cotru lucente à l'ore inguernarecce
Nant'à i to sciappali si spechjanu e trecce
Di isse stelle fughjite induve nimu ùn sà
Elle sò l'infinitu, tù sì l'eternità.

Jean-Claude Acquaviva | Bruno Coulais
A Filetta